


Museo Numismatico Aruba: Un historia conta na placa



Museo Numismatico Aruba a ser estableci dia 13 di November, na aña 1981.

Emuseo tin na exposicion un coleccion priva di sr. Mario Odor. Un bishita na e Museo Numismatico por conduci bo atraves di temponan leu bek den historia y lo guiabo pa nacemento di paisnan recientemente independiente. E museo aki ta un fuente inagotabel di e historia humano, di cultura y educacion.

E coleccion ta contene mas o menos 35.000 diferente moneda cubriendo 400 pais.

Tin aproximadamente 115 diferente coleccion: p.e. di oro, cuadrá, cu buraco, di palo, ficha,

medalia etc. E museo ta unico den nos region y ta ofrece un bista di e poderoso: Imperio Romano, Grecia Antiguo, Dinastia Chino, India Místico, Egipto y e famoso Imperio Bizantino.

Tin tambe un set di placa di papel y moneda extenso di e "ocupacion Aleman y Hapones" y emisionnan special pa e "campanon di concentracion" y tambe di e mas reciente guerra "Dessert Storm".

Tin monedanan colonial di e promer dianan di conquista, salvaguardia di Galleonan cu a zink. Un bishita na nos Museo Numismatico aruba por conduci

bo atraves di e caminda infinito di tempo, un caminda marca pa e spada y lanzanan di emperadornan grandi, pa reynan, pa dictadornan y indudablemente e avenida aki ta cubri cu guerra, sanger y gloria.

NUMISMATICO

Numismatica: E estudio di moneda, medalia y biyete den nan contexto historico: "Un sciencia cu ta refleha historia, arte, archeologia y economia".

Actualmente ningun hende por imagina un mundo sin placa.

Con nos por cumpra of bende sin placa? Sin embargo mundo a cuminsa sin placa. No tabata tin mester di luho. A cuminsa cu cambio bao otro. Si un hende tabata tin un carné, e tabata cambiá pa otro cos cu e no tin. E sistema aki tabata yama: "Barter". Poco poco e pueblonan y a cuminsa pensa riba un otro sistema mas adecuado y comun. Algun a opta pa cocolishi, kraalchi, mainshi, cacao y hasta piedra.

E promer moneda cu a wordo traha probablemente ta di Lidia na Medio Oriente na aña 700 Promer cu Cristo, pero tambe tin indicacion cu na e mesun tempo China a conoce su placa "Cash" cual te den

cuminzamento di e siglo aki no a cambia di apariencia.

Placa ta un obra miniatura di arte diseña pa artistanan renombra. Mayoria di placa ta cu diseñonan impresivo y decora cu imagennan manera: barco, mapa,

palacio, animal, rey, misa etc. ; tur local un mente creativo por imagina.

Tur hende por yega na coleccion sin mester ta un rey, pasobra awor a bira mas facil pa haña moneda di otro parti sin mester di biaha di un pais pa otro.

Un di e placernan mas grandi ta pa samina cada moneda, cataloga esaki y haña sa e berdadero significacion di cada moneda.

Placa, hunto cu arte tin un balor intelectual hopi grandi pa su historia.

Cada moneda ta refleha e recuerdo di e civilisacion den cual e la circula. E ta representa parti di e historia y cultura di e pais.

Riba placa Ingles y Americano despues di hopi siglo a aparece un figura Griego cu a wordo copia di Roma.

Significacion di algun di nos moneda

E Plaka Gay (Plak) tabata yama asina pa motibo cu e leon riba e plaka tabata parce riba un gay. E balor tabata 21/2 ct. Esaki ya no ta existi.

E zepelin: 5 ct. E tempo ey "Zeppelin" a yega Merca. Tampoco nos no ta usa mas.

E debchi: 10 ct. E ta bini di e dubbeltje hulandes. Ante nos yotin tabata corta. Durante e Republica di Batavia 1799-1803,



gouverneur Lauffer a ordena pa corta 7000 pieza di 8 real den cuatro pida y igual.

E triangulonnan aki tin graba un roset di 5 blaadchi y su balor a ser acepta na 18 stuivers (Zepelin) of 50 ct. Hulandes.

E metodo di corta e piezanan aki a duna e moneda triangulo e nomber "Guillotine", cual cu tempo a ser malinterpreta como "yotin". Esaki nos ta usando ainda pero den forma di un zepelin. (Cuadra)

Hendenan di antes, dos generacion promer cu nos tabata usa "gourdain", cual ta 50 ct.

Un "ria" ta 15 ct., y ta bini di "un real". (un debchi y un zepelin ta 15 ct.)

Doria tambe tabata wordo usa pa 30 ct. Esaki kier meen dos real.

Un "gourdain" ta 50 ct., 1/2 florin hulandes.

Mei fuerte, Fls. 1,25, a bini door di Bolivar di Venezuela.

Un "Chilin" a bini door e shilling di Inglatera. (62 1/2 ct.)

E nomber "florin" a bin di un palabra italiano cu ta nifica: "flor". E la bira un di e nombrenan mas popular den Europa pa mas di 4 siglo.

Actualmente Aruba ta e unico pais cu ta usa e denominacion "florin" riba su moneda y biyete.

Aruba tin moneda di oro cual a ser traha pa conmemora 10 aña di Status Aparte

(1986-1996). Esaki ta un moneda di Fls. 100,-

Asina por sigui menciona hopi mas significacion di nos monedanan di antes pero nos ta laga esaki pa dia boso bishita nos museo. Na vispera di nos Status Aparte nos a cuminsa cu diseño di nos mesun moneda. Esaki a keda bao encargo di Sr. Evelino Fingal kende por cierto a haci un tremendo trabao cu nos moneda y biyetenan usando dibuho di hopi animal bao proteccion aki y tambe pintura di Indian cual ta ilustra nos historia di antes.

Historia di nos yotin corta

Museo Numismatico no solamente ta rico na moneda y biyete pero tambe na informacion educativo y historico hopi valioso.

Na aña 1792 directiva di "Nederlandse West Indische Compagnie" a haci un peticion na su Mahestad pa autorisacion pa traha algun moneda pa e colonia situa na e continente Americano. A manda mayoria di e piezanan aki pa e costa di Africa pa motibo di esclavo. Un tempo despues e islanan a cuminsa sufrir pa falta di placa.

Espana, pa hopi epoca a laga atras su rasgo atras pa medio di su cultura, su religion, su idioma y naturalmente su propio moneda.

Durante e Republica Batavia na 1799-1803, Gouverneur Lauffer a ordena pa corta 7000 pieza di 8 real den cuatro pida y igual. E triangulonnan aki tin graba un roset di cinco blaadchi y su balor a ser acepta na 18 zepelin (stuiver) of 50 ct.

Hulandes. E metodo di corta aki a duna e moneda triangulo e nomber "Guillotine", cual cu tempo a ser malinterpreta como "yotin". (yotin corta). Durante ocupacion britanico, Gouverneur John Hodson a laga corta un total di 8000, 8 real, pero e biaha aki den cinco pida y segun publicacion cada un tin e balor di 3 real. E triangulonnan anterior di 4 pida a haya e balor di 3 1/2 real o sea 21 stuiver, pues e gobierno a haci un ganashi di 3 stuiver riba cada pieza. Na aña 1826 a retira e stuivernan aki. Na 1816 Inglatera a cede e islanan nobo na Hulanda y Gouverneur Kikkert a dicidi den un reunion pa corta piezanan di 8 real atrobe; e biaha aki den 3 y 5 pida, cu cifra 3 y 5 den un circulo riba cada pieza respectivamente.

E piezanan corta di 3 real pa un balor di fla. 0,50 hulandes te awe nos ta yama "yotin", aunke nos yotin ta dos pieza di

25 ct. Desde nos Status Aparte nos tin un moneda di 50 ct., yotin cual awor tin e forma di un stuiver di antes.

E stuiver di Curacao di aña 1822 a keda den circulacion na balor di 0.025 hulandes y e pieza di 8 real spaño na balor di 2.50 hulandes.

Na 1854, 1 februari a bini cambio drastico den nos sistema monetario:

1. Tur moneda di oro a stop di ta medio di pago legal.

2. Moneda stranhero ta bira moneda di pago legal door di curso di cambio aplica pa gobierno.

3. Tur piezanan di calidad inferior incluyendo tur plakanan corta a ser saca for di circulacion.

Segun fuén tenan e "guillotinnan" a ser usa aindate na comienzo di 1900, na e momento cu e colonia di Curacao y dependencianan a pasa pa e sistema monetario di e Mama Patria Hulanda.